



KONKURS

Za dodjelu stipendija učenicima romske nacionalne manjine koji su redovno upisani u srednje škole na području Tuzlanskog kantona u školskoj 2017/18 godini

U okviru Projekta „Podrška Romima, učenicima srednjih škola kroz stipendije, mentorstvo i tutorstvo“ koji se realizuje treću godinu, a koji finansira i tehnički podržava Romski obrazovni fond (REF) a implementira Udruženje Roma “Euro Rom” (u daljem tekstu: Udruženje) objavljuju konkurs za dodjelu stipendija učenicima romske nacionalne manjine koji redovno pohađaju trogodišnju ili četvorogodišnju srednju školu u školskoj 2017/18 godini na području Tuzlanskog kantona.

Program obezbjeđuje sljedeće komponente:

- Finansijsku podršku - u iznosu od 40 Eura izraženim u konvertibilnim markama mjesečno u trajanju od 9 mjeseci. (Korisnik stipendije može godišnje dobiti maksimalan iznos od 360 eura izražen u konvertibilnim markama, koji je uslovljen postavljenim kriterijima, a u svrhu pokrivanja troškova školskog pribora, udžbenika, užine, prijevoza itd.)
- Mentorstvo - kroz pružanje dodatne podrške stipendistima u cilju redovnog pohađanja nastave, poboljšanja uspjeha, uključivanja u dodatnu i dopunsku nastavu; u pripremama za nastavak školovanja u višim stepenima obrazovanja; u postavljanju viših ciljeva postajući njihovi “drugi roditelji” u školi; razvijanja vještina u oblasti učenja, planiranja rada i učenja, itd.
- Tutorstvo - kroz pružanje podrške na dodatnim časovima iz određenih školskih predmeta, priprema za polaganje mature i priprema za polaganje prijemnog ispita na fakultetu.

Ciljevi programa su:

- Poboljšan uspjeh u školi (poboljšanje ocjena 0,5 - 1)
- Poboljšanje redovnosti pohađanja nastave (75%)
- Povećan broj učenika u srednjim školama (50%)
- Povećan broj učenika koji su diplomirali u srednjoj školi (70%)

I USLOVI ZA DODJELU STIPENDIJA UČENICIMA

Učenik (riječ učenik se odnosi na osobe oba spola, učenik i učenica) može da učestvuje na konkursu za dobijanje stipendije iz sredstava ovog Projekta ukoliko ispunjava sljedeće uslove:

1. da je državljanin Bosne i Hercegovine* i da živi na području Tuzlanskog kantona;
2. da je pripadnik romske nacionalne manjine;
3. da nije korisnik stipendija i kredita drugih institucija/ustanova ili stipendija koje se dodjeljuju od strane organizacija koje su direktni ili indirektni korisnici budžeta općine i/ili Tuzlanskog kantona i/ili Bosne i Hercegovine kao ni od drugih organizacija/institucija/ustanova/firmi;

* Izuzetni slučajevi će se rješavati pojedinačno.



4. da je školske 2017/18 godine upisan kao redovan učenik u prvi, drugi, treći ili četvrti razred srednje škole (gimnazije, stručne ili mješovite) u trogodišnjem ili četvorogodišnjem trajanju, čiji je osnivač Tuzlanski kanton odnosno Općina u svojstvu suosnivača;
5. da je prethodni razred završio općim uspjehom.

II OBAVEZE KORISNIKA STIPENDIJE

Tokom korištenja stipendije, učenici korisnici stipendije se obavezuju na sljedeće:

- da održe (ako je opći uspjeh pozitivan) ili da poprave opći uspjeh u razredu koji pohađaju školske 2017/18 godine u odnosu na opći uspjeh u prethodnoj školskoj godini;
- da nemaju više od tri nedovoljne ocjene na prvom polugodištu školske 2017/18 godine;
- da redovno pohađaju nastavu;
- da sarađuju sa nastavnikom/stručnim saradnikom iz škole, koji je izabran za njegovog mentora u cilju zajedničkog planiranja, sprovođenja i vrednovanja mjera i aktivnosti za poboljšanje školskog uspjeha i redovnosti pohađanja nastave;
- da redovno pohađaju dodatne mentorske časove i druge dogovorene obaveze;
- da obavljaju različite vrste zadataka i aktivnosti van nastave, u skladu sa dogovorom sa mentorom (uključivanje u vannstavne aktivnosti, školske akcije, akcije lokalne zajednice na promociji obrazovanja pripadnika romske nacionalne manjine, medijske događaje...);
- da sarađuju sa Projektnim timom i pružaju tražene informacije u vezi sa evaluacijom programa stipendiranja, mentorstva i tutorstva;
- da blagovremeno obavještavaju svog mentora o bilo kakvim promjenama svog statusa kao učenika (prebacivanje u drugu školu, preseljenje, odustajanje od školovanja, bilo kakve promjene ličnih kontakt informacija, računa u banci, itd.).

III POTREBNA DOKUMENTA

Kandidat prilikom prijavljivanja na Konkurs podnosi sljedeća dokumenta, odnosno obrasce koji su navedeni u Konkursu i čine njegov sastavni dio:

Za učenike koji su bili obuhvaćeni Programom u školskoj 2015/16 i/ili 2016/17 godini i nastavljaju školovanje u 2017/18 godini su potrebni sljedeći dokumenti :

1. Originalna **Prijava za dodjelu stipendije za učenike romske nacionalne manjine srednjih škola** koja je objavljena kao dio ovog Konkursa i može se preuzeti i štampati sa internet adrese Udruženja Roma "Euro Rom" (www.euro-rom.org) ili se odštampana može dobiti u uredu Udruženja, Ul. Bosne Srebrene bb (SKPC Mejdan, Tribina A) Tuzla. (OBRAZAC broj 1 – PRIJAVA);
2. Ovjerena **Potvrda od srednje škole koju učenik pohađa da je upisan u drugi, treći ili četvrti razred školske 2017/18 godine kao redovan učenik** (Potvrda se može preuzeti u srednjoj školi koju učenik pohađa i koja se izdaje besplatno.) , i

* Izuzetni slučajevi će se rješavati pojedinačno.



3. Ovjerenu **Izjavu da kandidat nije korisnik druge stipendije** koja je objavljena kao dio ovog Konkursa i može se preuzeti sa internet adrese Udruženja www.euro-rom.org ili se odštampana može dobiti u uredu Udruženja (OBRAZAC broj 2.- IZJAVA).

Za nove korisnike Programa u školskoj 2017/18 godini su potrebni sljedeći dokumenti:

1. Originalna **Prijava za dodjelu stipendije za učenike romske nacionalne manjine srednjih škola** koja je objavljena kao dio ovog Konkursa i može se preuzeti i štampati sa internet adrese Udruženja Roma "Euro Rom" (www.euro-rom.org) ili se odštampana može dobiti u uredu Udruženja, Ul. Bosne Srebrene bb (SKPC Mejdan, Tribina A) Tuzla. (OBRAZAC broj 1 – PRIJAVA) ;
2. Ovjerenu **Potvrdu od srednje škole koju učenik pohađa da je upisan u prvi, drugi, treći ili četvrti razred školske 2017/18 godine kao redovan učenik** (Potvrda se može preuzeti u srednjoj školi koju učenik pohađa i koja se izdaje besplatno.) ;
3. Ovjerenu fotokopiju svjedočanstva o završenom prethodnom razredu;
4. Ovjerenu **Izjavu da kandidat nije korisnik druge stipendije** koja je objavljena kao dio ovog Konkursa i može se preuzeti sa internet adrese Udruženja www.euro-rom.org ili se odštampana može dobiti u uredu Udruženja (OBRAZAC broj 2.- IZJAVA);
5. Ovjerenu **Izjavu roditelja ili korisnika stipendije da je pripadnik romske nacionalne manjine, ili Rodni list u kojem je navedena nacionalna pripadnost romskoj nacionalnoj manjini ili Preporuke za dodjelu stipendija registrovanog udruženja građana koji se bavi unapređivanjem položaja Roma** da je kandidat pripadnik romske nacionalne manjine, koja je objavljena kao dio ovog Konkursa i može se preuzeti sa internet adrese Udruženja www.euro-rom.org ili se odštampana može dobiti u uredu Udruženja (OBRAZAC broj 3. – PRIPADNOST romskoj nacionalnoj manjini); i
6. Original ili fotokopiju **Uvjerenja o državljanstvu Bosne i Hercegovine učenika***, bez obzira na datum izdavanja. Konkursna dokumentacija se ne vraća pošiljaocu.

IV ROK ZA PODNOŠENJE DOKUMENATA

Rok za prijavljivanje na Konkurs je do 15. septembra 2017. godine.

Konkursnu dokumentaciju je potrebno dostaviti lično ili poslati poštom na adresu Udruženje Roma "Euro Rom" Ul. Bosne Srebrene bb (SKPC Mejdan, Tribina A) 75 000 Tuzla. Pečat pošte na koverti u kojoj se šalje dokumentacija može biti najkasnije 15. septembar 2017. godine.

Neblagovremena i nepotpuna konkursna dokumentacija neće biti razmatrana.

Kandidati se rangiraju prema ukupnom broju bodova ostvarenom po svim osnovama koje se vrednuju za dodjelu učeničke stipendije.

* *Izuzetni slučajevi će se rješavati pojedinačno.*



V KRITERIJI ZA UTVRĐIVANJE REDOSLIJEDA KANDIDATA

Svi kandidati koji su se blagovremeno prijavili i koji ispunjavaju uslove za dodjelu stipendija biće rangirani na osnovu sljedećih kriterija:

1. opći uspjeh u prethodnoj školskoj godini na osnovu srednje ocjene;
2. ocjena iz vladanja učenika, ukoliko dva ili više učenika imaju isti opći uspjeh;
3. broj neopravdanih izostanaka;
4. broj opravdanih izostanaka.

AD 1. Opći uspjeh u prethodnom razredu iskazuje se brojem bodova koji odgovara srednjoj ocjeni učenika, pomnožen sa brojem 2. Minimalan broj bodova za opći uspjeh je 4, a maksimalan 10.

AD 2. Ocjena iz vladanja iskazuje se brojem bodova koji odgovara ocjeni vladanja učenika od ocjene dobro (3) do primjerno (5). Minimalan broj bodova je 3, a maksimalan 5.

AD 3. Broj neopravdanih izostanaka se boduje na sljedeći način: 0-7 neopravdanih izostanaka je 3 boda, 8-14 neopravdanih izostanaka je 2 boda, 15-20 neopravdanih izostanaka je 1 bod, preko 20 neopravdanih izostanaka je 0 bodova. Minimalan broj bodova za neopravdane izostanke je 0, a maksimalan je 3.

AD 4. Broj opravdanih izostanaka se boduje na sljedeći način: 0-50 opravdanih izostanaka je 3 boda, 51-100 opravdanih izostanaka je 2 boda, od 101-150 opravdanih izostanaka je 1 bod, preko 150 opravdanih izostanaka je 0 bodova. Minimalan broj bodova za opravdane izostanke je 0, a maksimalan je 3.

Ukupan minimalni broj bodova kandidata može da bude 7, a ukupan maksimalan broj je 21 bod.

Kandidati se rangiraju prema ukupnom broju bodova ostvarenom po svim osnovama koje se vrednuju za dodjelu učeničke stipendije.

VI POSTUPAK KONKURISANJA

Kandidat za dobijanje učeničke stipendije podnosi prijavu sa potrebnom konkursnom dokumentacijom Udruženju Roma "Euro Rom". Udruženje pregleda dokumentaciju, utvrđuje da li je potpuna i traži eventualne dopune.

Komisija za stipendiranje romskih učenika srednjih škola u roku od 10 radnih dana po isteku konkursnog roka donosi odluku o dodjeli učeničkih stipendija za učenike romske nacionalne manjine i o tome podnosi izvještaj.

Kandidat ima pravo prigovora na prijedlog rang liste u roku od 14 dana od dana njenog objavljivanja na internet strani Udruženja www.euro-rom.org. Kandidat podnosi prigovor Udruženju na istu adresu na koju je poslana konkursna dokumentacija. Komisija razmatra prigovore u roku od 3 dana, utvrđuje konačnu rang listu učenika, obavještava kandidate i srednje škole i objavljuje listu izabranih stipendista na internet adresi Udruženja.

** Izuzetni slučajevi će se rješavati pojedinačno.*



Komisija za stipendiranje romskih učenika srednjih škola zadržava pravo da prije donošenja odluke pozove kandidata na razgovor u slučaju potrebe za dodatnim informacijama.

VII ZAKLJUČIVANJE UGOVORA

Na osnovu Odluke Komisije za stipendiranje romskih učenika srednjih škola o dodjeli učeničkih stipendija, Udruženje organizuje javni skup u svrhu potpisivanja ugovora o dodjeli stipendije.

Ugovori se potpisuju u 2 istovjetna primjerka, od koji jedan primjerak zadržava primalac stipendije, a jedan zadržava Udruženje.

Nakon potpisivanja ugovora, primalac stipendije će u roku od 10 radnih dana otvoriti račun u NLB banci na koji će primati stipendiju i dostaviti sve potrebne podatke u vezi računa Udruženju.

** Izuzetni slučajevi će se rješavati pojedinačno.*



VIII ISPLATA STIPENDIJE

Stipendije se uplaćuju na bankovni račun učenika u te svrhe. Stipendije će se isplatiti za maksimalno 9 mjeseci, i to na mjesečnom nivou tokom perioda od jedne školske godine, a u zavisnosti od početka programa i datuma potpisivanja ugovora o stipendiranju. Broj mjesečnih rata tokom jedne školske godine se bliže definiše ugovorom.

IX ZADRŽAVANJE ISPLATE I OBUSTAVA ISPLATE STIPENDIJE

Kako bi nastavio da prima stipendiju u drugom polugodištu, učenik mora da ispuni sljedeće uslove na prvom polugodištu školske 2017/18 godine:

- a. da ima opći uspjeh koji ne može biti niži od nedovoljnog sa najviše tri nedovoljne ocjene ;
- b. da ima ocjenu iz vladanja ne nižu od dobar ;
- c. da nema više od 14 neopravdanih izostanaka;

Posljednja rata stipendije se uplaćuje na osnovu podnijetog svjedočanstva o pozitivnom uspjehu učenika na kraju školske 2017/18 godine. Ukoliko učenik nije završio razred pozitivnim uspjehom, ne dobija posljednju ratu stipendije.

Kopiju svjedočanstva korisnika stipendije podnosi mentor za učenike stipendiste.

Korisniku učeničke stipendije obustavlja se isplata odobrene stipendije u slučaju da je naknadno utvrđeno da su podaci o korisniku netačno prikazani, kada istovremeno prima stipendiju, kredit ili sličan oblik davanja od druge organizacije/institucije/ustanove/firme ili po drugom osnovu iz budžeta općine i/ili Tuzlanskog kantona i/ili Bosne i Hercegovine, kao ni od od drugih organizacija/institucija/ustanova/firmi ili napusti redovno školovanje.

X DODATNE INFORMACIJE

Pitanja zaposlenih u školama, učenika i roditelja/staratelja u vezi sa dokumentacijom i procedurom konkurisanja, kao i drugim pitanjima u vezi izbora kandidata i dodjelom stipendija, mogu se postaviti elektronskim putem na adresu eurorom_bh@yahoo.com ili pozivom na broj telefona 035 228 884 svakog radnog dana od 10.00 do 14.00 sati, ili lično u uredu Udruženja, Ul. Bosne Srebrene bb (SKPC Mejdan, Tribina A) Tuzla.

** Izuzetni slučajevi će se rješavati pojedinačno.*